



Centro Nacional Chega!!P

Da Memória à Esperança



KOMUNIKADU IMPRENSA

Centro Chega!!P Organiza Konferénsia Internasional Kona-ba Lia-loos, Memória no Justisa.

(Díli, 15 Jullu 2026) - Centro Nacional Chega!!P organiza Konferénsia Internasional ho tema “Lia-loos, Memória no Justisa”, ne'ebé realiza durante loron 3 hahu (15-17), iha Palm Springs Hotel, Kampu Alor, Dili, Timor-Leste. Konferensia Internasional ne'e hetan apoiu finanseiru husi Korea International Cooperation Agency (KOICA) no United Nations Educational, Scientific and Cultural Organization (UNESCO) liu husi projetu “*Digitalization of Chega! National Center for Conflict Reconciliation and Peacebuilding in Timor-Leste Project*”.

Objetivu prinsipal husi konferensia ne'e, atu fasilita diálogu komparativu entre pratikante sira no instituisaun sira Komisaun Lia-loos no Rekonsiliaaun nian husi Ázia-Pasífiku no sira seluk hodi fahe prátika di'ak sira no lisaun sira ne'ebé aprende ona. Atu envolve iha inkéritu teóriku no filozófiku kona-ba fundasaun sira justisa tranzitória nian: ba saida maka komisaun lia-loos nian, saida maka justisa eziye, no oinsá maka rekonsiliaaun bele komprende di'ak liu iha sosiedade sira pós-konflitu nian. Atu ezamina papél espesífiku sira husi arkivu sira, instituisaun memória nian, no muzeu sira hodi sustenta legadu sira Komisaun Lia-loos no Rekonsiliaaun nian, prevene apagamentu, no permite peskiza no envolvimentu públiku. Atu explora modelu sira edukasaun dame nian ne'ebé sensível ba konflitu, informadu kona-ba trauma ne'ebé foti husi arkivu sira Komisaun Lia-loos no Rekonsiliaaun nian, inklui envolvimentu ho jersaun 'pós-memória' husi foinsa'e sira ne'ebé la moris husi eventu sira ne'ebé dokumenta ona. Atu hametin rede rejional sira no parseria institusionál sira entre órgaun sira Komisaun Lia-loos no Rekonsiliaaun nian, instituisaun akadémika sira, sosiedade sivil.

Konferénsia internacional ne'e mos dezeña pilar temátiku haat ne'ebé kruza malu hanesan; Política lia-loos nian: oinsá Komisaun Lia-loos no Rekonsiliaaun sira constitui, limita, no kontesta. Justisa, rekonsiliaaun, no sobrevivente: justisa tranzisaun ne'ebé sentradu iha vítima no limite sira husi reparasaun institusionál. Papel arkivu no muzeu sira nian hodi sustenta memória no prevene revizaun istóriu. Edukasaun no jersaun pós-memória: tradús deskobrimentu sira Komisaun Lia-loos no Rekonsiliaaun nian ba kurríkulu no vida sívika.

Rezultadu husi konferénsia ne'e, atu produz rezultadu sira tuir mai mak dokumentu ida kona-ba Prosedimentu Konferénsia nian ne'ebé halibur apresentasaun hotu-hotu, rezultadu sira husi painél, no relatóriu sira husi grupu serbisu nian. Hametin parseria no rede institusionál sira entre órgaun sira Komisaun Lia-loos no Rekonsiliaaun nian, instituisaun akadémika sira, arkivista sira, no edukadór sira iha rejiaun. Kontribuisaun ida ba baze koñesimentu projetu nian ne'ebé luan liu antes enkontru finál revizaun projetu nian ne'ebé planeia ona ba trimestre ikus tinan 2026 nian. Konjuntu Rekomendasaun Dili nian kona-ba prátika di'ak komparativa Komisaun Lia-loos no Rekonsiliaaun nian, sustentabilidade arkivu nian, no edukasaun dame nian ne'ebé sensível ba konflitu, ne'ebé dirije ba governu sira, instituisaun Komisaun Lia-loos no Rekonsiliaaun nian, no organizaun internasionál sira iha Ázia-Pasífiku tomak.

Arkivu Komisaun Lia-loos no Rekonsiliaun sira okupa pozisaun ida ne'ebé úniku no vulnerável iha interseksaun istória, lei, política, no memória. Sira maka simultaneamente: baze sira evidência nian ba prosesu sira responsabilizasaun nian; repozitóriu sira husi sasin sobrevivente nian; ferramenta sira ba edukasaun dame nian; no objetu sira kontestasaun política nian. Pergunta kona-ba oinsá arkivu sira-ne'e prezerva, governa, asesu, no uza husi sé, iha kondisaun saida, no ho enkuadramentu pedagójiku saida la'ós kestaun técnica ida. Ida-ne'e kestaun justisa nian. Konferénsia ida-ne'e halibur, ba dala uluk iha rejaun ne'e, pratikante no instituisaun sira Komisaun Lia-loos no Rekonsiliaun nian husi Timor-Leste, República Korea, Fiji, Illa Salomaun, no Kanadá hamutuk ho istoriadór sira, matenek-na'in sira justisa tranzisionál nian, arkivista sira, no edukadór sira hodi ezamina pergunta sira-ne'e ho kle'an.

- **Remata** -

Ba informasaun liu tan kontaktu:

Raimundo Sarmento Fraga
Ofisiál Média no Komunikasaun
Email: rsfraga@centrochega.gov.tl
Nú. kontaktu: 7874 0345

Boilerplate

Centro Nacional Chega! I.P., *Da Memória à Esperança* (Centro Chega! I.P) hamri'ik nu'udar institutu públiku ida ne'ebé estabelese ho deketu Lei n.º. 48/2016. Centro Chega! I.P nia vizaun mak: "Sosiedade ida ne'ebé inkluzivu, la repete istória pasadu nian, moris iha dame, no respeito ba direitos umanu". Nia misaun mak: "Haríi sentru Pós-konflitu ne'ebé prezerva memória pasadu nian hodi promove direitos no valor umanu, haríi parseria nasional no internacional hodi reforsa rede servisu sira ba implementasaun rekomendasaun sira husi Relatório Final *Comissão de Acolhimento, Verdade e Reconciliação* (CAVR)-Chega! no *Comissão da Verdade e Amizade* (CVA) - *Per Memórias Ad Spem*, sira ne'ebé relevante".

Obrigadu!